



UNIVERSITÄTS-
BIBLIOTHEK
PADERBORN

Catalogus Episcoporum Hildesiensium

Letzner, Johannes

Hildesheim, [ca. 1690]

XLIV. Bartholdus

[urn:nbn:de:hbz:466:1-64252](#)

(29)

pluribus votis Hermannum Hassiae Landgravium superans, electus est Episcopus: sed arcibus ab æmulo occupatis diu exclusus, desertusq; extitit. Donec à Bartholdo Barone de Lansberg 49. Verdensi Episcopo, cum 400. Equitum Comitatu, in urbem inductus, magnôq; gaudio Cléri, Senatûs ac Populi exceptus ac salutatus est Episcopus. Tandem ultro cedente Hermanno, ac postea ad Archi-Episcopatum Coloniensem promoto, post triennales turbas, septenni quiete gavisus fuit, ac deniq; laboribus & senio fessus Anno 1481. munus decennio gestum Bartholdo Verdensi Episcopo cognato, de se & Diœcesi optimè merito transcripsit: ipse verò privatam vitam amplexus, omnibus pietatis officiis, & misericordiæ operibus, optimi Ecclesiastici & Præfus exemplum reliquit. 7. Aprilis ante Altare D. Petri sepultus.

XLIV. BARTHOLDUS. Eruditione & juris peritiâ clarissimus Anno 1481. totus cataphractus, Wilhelmo & Friderico Ducibus Brunswicensibus honoris gratiâ stipatus, cum gaudio & plausu exceptus Civitatem intravit: variis deinde bellis gestis, ad pietatem restaurandam curas intendit. Annum 1490. Verdæ exegit, & coronidem fabricæ istius templi imposuit, cuius chorum Conradus 34. ejus loci Episcopus struxerat: ipse verò navem templi Anno 1473. coepit, hoc anno absolvit & consecravit. Deniq; senectute curisq; confectus, ac relictis passim in Diœcesi præclaris restitutæ religionis & pietatis vestigiis, ut ad supremam luctam melius se compararet, abiit e Diœcesi in arcem Rotenburgensem à se munitam, ubi spiritum Deo reddidit Anno 1503. Pridie

G

Ascen-

Ascensionis Domini, & in Verdensi Ecclesia locum
quietis invenit, postquam Ecclesiæ illi annis 33. Hil-
desiensis vero 21. laudabiliter præfuiisset.

XLV. ERICUS Dux Saxonie, Angarie &
Westphaliae, Canonicus Metropolitanæ Colonensis,
postulatus Episcopus Hildesiensis Anno 1503. magnâ
pompâ à Nobilibus & Civibus in Civitatem introdu-
ctus: paulò post Episcopatum resignavit, vel Capi-
tulo Cathedrali consentiente, in Fratrem Joannem
transtulit.

XLVI. JOANNES IV. Prædecessoris Fra-
ter eodem Anno 1503. ex eadem Saxoniorum Du-
cum familia in Cathedra Hildesiensi successit. Ex 24.
Præfecturis, quæ nobilibus aliis oppignoratae erant,
solam Steurwaldensem immunem incoluit, & frugali-
tate suâ tantum collegit pecuniae, ut Lawensteinium
à DD. de Salderen, uti & alias nonnullas Satrapias ab
aliis redemerit. Joannes & Dux Lunæburgicus in-
prælio victores, contra Brunswicenses Duces, Eri-
cum captivum cepere, uti & Wilhelmum & Erne-
stum: verùm hi pro lytro promisso dimissi, gravio-
ra belli incendia contra solum Joannem excitarunt,
arcem Ruthensem exusserunt, Steinbrüggensem,
Woldenbergensem, Lewenburgensem, Peinensem
aliasq; aut vi, aut præsidio sponte se dedente, interce-
perunt: Et Joanne à Carolo V. Banno subiecto, atq;
a tractatibus excluso, Duces Ericus & Henricus vi-
tores Capitulo, Clero, & Nobilitati citatis Quedlin-
burgum certas pacis conditiones proposuere, Præfe-
turásq; inter se divisere. Deniq; Joannes cognito tra-
statuum Quedlinburgicorum eventu suis valedixit,
&